

SARDIGNA EROICA

Oh! Sardigna, in sos seculos lontanos
Tenisti sempr'un'istirpe gherrera.
Istirpe leonina, in membros sanos
Valorosa, intrepida e fiera.

Unu popul'e Ciclopes costruesit
Rocca cun rocca, in monte, in sa piana,
E unu monumentu nde restesit,
Vestigiù d'una gloria lùntana.

Ancora oe, in sa notte iscurosa,
In sos buscos p'is disabitados,
S'idet una fiama calorosa
Brillende in sos foghiles istudados.

Cussa, no est'una fiama tràgica
Ch'in sa notte risplendet cun calore:
Est fogu santu, fiama nuragica
Chi pro Sardign'est'eternu bagliore.

Affacc'a sa fiama mich'accosto
Osservo chi sun'anghelos alados:
Est s'anima de Amsicora e d'Josto
e atteros leones mastrucados.

Si mi domandan'ite sun fattende
Vicin'a sa fiama isclaressida,
Eo rispondo: "Forsi sun chirchende
Sa patria virtud'iscumparida!"

Bi sun sos imbinchibiles pastores
E de Gavoi s'erco Mameli,
Accudidos a tantos risplendores
Dae sa grutta de Santu Micheli.

Paris cun tottu cussos sun'unidos
Sos chi sun seppellidos in caverças,
Dae tumba ipogeica 'essidos
Pro sollevare sas penas eternas.

Sunu tottus sos omnes de tando
Resistentes a frittù e a fadiga...
Cando nde naschet, mi domand'e cando
Chi lasset gai una brillante istiga?

Hana respintu tantos invasores
Parende fronte a s'accanida gherra.
Zedimus com'omaggios e onores
A sos eroes de sa sarda terra.

Lucet in tenebris.